

重修縣志序

趙廣恩

丙辰春奉檄來遠甫下車索縣志閱之乃順治辛丑
安公可願舊刻也凡例周詳文詞簡潔猶見我
朝鼎新風規計至今歷一百九十餘年亥豕魯魚傳
訛不免鍾靈毓秀繼起良多而蹟制古今時經常變
參差異同可編而紀者尤難更僕數也非重修焉何
以傳久覽原序當時因板沒於水依存本重鋟刷印
成帖賴邑誌紳士力克成厥功余擬有以開其先必
有以繼其後可復與紳謀之既晤司鐸詹五先生談
及焉乃告余曰重修志事成謀久矣課士之暇當於
遠安縣志

咸豐文

卷七

舊志所載備加訂正其未及載者爲忠爲孝爲節採
訪多方若科名若官守若藝文錄登以次分門別類
踵舊增新手加刪定繕爲成書前欲付梓以經費有
待未果也余卽求新本覽之不覺色喜曰固知有以
開其先必有以繼其後矣稿既定且佳余何敢贊一
詞卽付剞劂焉

編纂縣志

劉子垣

江淹有云作史之難莫難於志非作志之難作志而
有其才有其學有其識之難也何以言之志有其體
無才則不閱深志有其辭無學則不華贍志有褒貶

無識則是非謬於聖人縣志亦志也豈易言作乎不知余之欲修遠安縣志非作也述也卽間有增訂皆得諸史傳與父老之傳聞諸生之採訪亦猶然述也述則體沿於舊辭取其新不自爲褒貶何至是非謬於聖人也且遠安縣之宜修久矣自順治辛丑安侯可願重修以來垂百九十餘年其間山川如故人事日新其有待於補輯者不可勝數而歷年旣久文獻無徵卽前梁侯鳳翔久經祀入名宦欲求其佚事不可得此外又無論矣余來遠之始披閱舊志而悼前百數十年事蹟之無傳也因於課讀之餘博採羣書

遠安縣志

咸豐文

二

卷七

旁搜諸志苟有關於遠安者筆之於紙迄今十載纂輯遂多近復賴各鄉紳士採訪得收集思廣益之功合舊志編之分門別類繕寫成書得若干卷前祝仲申明府見之以爲遠安縣志久已當修得是編足爲善本二百年事可不湮沒如長夜也進邑人士商之將梓以續前志旋因去任未果丙辰春雒陽趙侯晉齋至索稿觀之亦以爲善促付剞劂氏垣俯而自思生平於文字無能爲役雖惓惓不忍前事就湮之心可質諸世而終不敢自以爲是也開雕之日復敦請邑之素有文名者同心參訂正其舛訛辨其疑似幸

能匡所不逮俾無失乎傳信不傳疑之旨則述之中
尤甚賴有將伯之助焉

遠安縣志跋

朱錫綬

教諭劉君占五司鐸是邑垂十餘年汲汲以誘掖闡
揚爲務邑人士翕然宗之初邑令安可願輯縣志規
刺簡古爲時推許迄今二百年矣其間政事沿革人
物振興數倍於疇昔得劉君扶幽闡潛閱一紀始付
剞劂其慎重周至爲何如也余以咸豐七年夏奉檄
攝縣事得與劉君朝夕過從上下其議論時刊志且
竣亟索誦之肫然淵然如飲甘醴如聞陶匏余何間

遠安縣志

咸豐文

三

卷七

乎顧遠安僻處萬山雖戶口旣庶富教待興農勤服
穡而高壤多瘠土敦古處而厚重少文商賈鮮通科
目未盛冠昏喪祭鄉飲諸禮節略而未舉此則有司
之責也余之來也距襄陽土匪之擾纔三四月是時
文廟燬於火縣署圯壞斷磚零甃不可終日旣而
文廟鳩工閱半載殿廡煥然則劉君之力爲多亦亦
因陋就簡營治縣署自儀門至大堂次第落成從劉
君志也若夫振士風修農田舉廢興利踵事增華後
有君子皆將於是志有取焉特書數言於簡末以期
之

遊鶴山記

陳教培 心農

白鶴山距城二十里狀類伏鶴平地聳峙高數十仞上累石爲城里人避兵處也山趾周里餘其西盡峭壁爲首爲喙北爲喉爲領爲脊東南爲翼爲腹爲脛爲瓜地勢平側有斜徑一線可沿而上漢季里人廟其巔曰白鶴觀香火最盛每春社禮佛者以千計觀左右冬青夾徑冪日蒼翠欲滴下有石床縱橫爲遊人憩具山之麓田曠行膏腴數千頃士民雜居風景悠然夫物莫不喜於環衛之多白鶴山東二里許一峰挿雲表如冠如冕者紗帽山也山下舊有水府廟

遠安縣志

咸豐文

四

卷七

廟後半壁一洞形似殘月曰月亮洞北去里許嵌寄蹲伏若躍若舞者曰麒麟山西折里許有高逾麒麟昂首張翼若飛若騰者曰鳳凰山又西折而北半里許爲鳳皇右翼古松一株大可三人圍幹下曲復上昂者以數十計狀如虬龍皮類龜甲濃陰冪地盈畝蓋數百年物也又北半里許爲黃泥崗山腹穿一穴深里餘引沮水入涓涓達平原溉田二千餘畝爲過山堰南折而西隆然高峙較麒麟鳳凰諸峰稍平者曰木魚山又西爲卧龍山自東北逶迤而來綿亘數里直達江隈際烟雨空濛若游龍在天半欲騰躍而

去者然東南爲龜山巍然峙江沚高不敵鶴山而奇
特與埒對江爲蛇山蜿蜒里餘橫亘江干與卧龍頡
頰而若動若搖又將湖江而上也諸峰環列皆距白
鶴二里許肢趾盡促森肅如禮客狀拱侍如兜孫形
家謂諸山悉白鶴扈從其信然耶山窮處即沮江由
卧龍繞出西南五六里浸蛇山龜山趾彎環如帶談
復齋詩云嶺如靜客環相對水似流年瀉未停似之
矣余生長里中少時先君督課嚴不令外出咫尺山
水未邀一盼焉壬子秋初偕堂兄弟凝之爽泉暨友
人李朗軒翟垂菴窮遊諸勝既登白鶴峰巔俯眄萬
遠安縣志

咸豐文

五

卷七

隴黃雲秋色騰騰逼眼遠山遙睇翠巘環踞如城雄
者瘦者立者卧者人者獸者蒼者秀者束者排者竄
者伏者殊形詭狀不可繩以目而環眺西南大江縈
繞如白虹蠶卧時有估榷隨林烟出沒目力竭處天
光雲影水氣結撰一色遙睇小舟一葉浮天際隱現
無端竒觀哉遊倦腹中汨汨訴饑僧炊胡麻飯客日
窮宿焉夜半風聲樹聲泉聲濤聲紡聲織聲雜然煩
響不減兩部鼓吹至清音繚繞高下相間則四面書
聲也久之朦朧睡去既寤朗軒垂菴呼余起時朝暾
已上照耀山水間寥窅滉漾則非筆墨所能圖畫云

重建鳴鳳山元帝廟碑記

劉子垣

鳴鳳山元帝廟舊志稱明成化時邑中多火災乃立元帝廟於西山上以鎮之災始息而斷碣所傳則稱唐時所建從前紫皇寶殿匾額又旁列梁武帝年號總之斯廟之建其來已久不必問其始於何代也明末邑令周公乃浹遷縣治於山上號曰新城今之頭天門舊東門也憑高據險城堞畧脩康熙初邑令宋公繹復遷縣治於東莊坪山遂悉爲廟地廟前有玉皇閣三清殿住持皆道人分東西兩宮東宮有元鶴樓西宮有長春樓每年以八月初一日開山至次年

遠安縣志

咸豐文

六

卷七

三月十五日封山凡荆沙東邑南邑及荆門各屬朝山者皆不遠數百里而來人稱爲小武當香火可云盛矣咸豐元年秋不戒於火廟遂焚釋氏以廟火爲洗殿此必有污穢之者道人汪雲山深以爲咎立心募化重修請於邑令李公公曰斯廟爲邑中鎮火災而設是有功德於民者也禮有功德於民者則祀之非若一切佛寺不載祀典者可置其廢興於不問也締造經營誠有司責哉首捐廉俸相倡併發給印簿俾道人廣爲募化一時邑中及四方好義諸君子莫不解囊捐貲同結良緣遂於是年興工至次年告竣

規矩沿於其舊倍加輪奐焉嗟呼李公之治遠邑也
補城垣濬城濠建四門城樓修西門河岸凡所經營
無非爲民扞禦災患而然斯廟之重修亦以其有功
德於民所謂先成民而後致力於神者惟公有焉是
不可以不誌

重修學宮記

劉子垣

學宮尊於二氏縣令至乎百爲締造經營將唯其所
命矣遠安學宮自許公忠一遷於今址數十年來歸
然如魯靈光殿咸豐七年毀於兵前令趙公對之惻
然未及議修而去任接篆蔣公雖集紳士定議旋亦

遠安縣志

咸豐文

七

卷七

卸事鎮洋朱公小雲來遠毅然引爲已任踵前議而
舉行之奈地瘠民貧又迫兵燹之餘無米之炊萬難
措置予見公焦勞不釋自念在遠十餘年頗重然諾
可稱貸爲經始計私請嘗試公領之時廩貢生熊應
兆候司訓覃仙根俱有通融意遂構木料陶瓦甍刻
日興工公喜指示規模益加董率不數旬而大局已
定各鄉感悟亦源源輸納可望落成夫事每敗於因
循非公興學情殷何以入人之深如此也附載志未
俾後人知此次重修皆朱公力也而予實無所裨補
云

肅筠朱公除完糧積弊碑 選拔朱承緒 月帆

催科與撫字兩事也故撫字必拙於催科其實

今之撫字其民者果能不多取以為虐則雖曰

催科亦何至有妨於撫字何也古者取民以什

一漢建武既平天下遂定三十取一之法我

皇上加惠元元田賦之征更輕於漢而民未均沾實

惠者推原其故始則因昏吏之貪污不惜結怨

於民而苛索浮費相沿成習積弊遂深今年夏

各憲定錢漕新章痛除包征包解積弊側聞他

邑均有難色而 公適來吾邑開征之始悉裁

遠安縣志

咸豐文

八

卷七

浮費不溢一絲串票一紙舊取二十四錢茲准

士民呈請每紙准以十錢且向之包厘為分包

毫為厘者一概禁之親征親解終歲無迫呼聲

民感其仁莫不踴躍輸將且謳歌而頌禱者於

巷於途馬 公愛民造士諸惠政指不勝屈而

薄賦一節尤為損上益下以撫字為催科真無

忝於為民父母矣里中紳耆議勒石以垂永久

益冀他日官斯土者遵其法而不變則士民享

利豈有量哉

石橋坪紀事

周葆恩訓導

天地之氣運有盛衰山川之精華有聚散方其盛川
賢才輩出氣之聚也及其衰則風俗澆漓氣之散也
世教不興而生民不知有德義人心叵測而鬼神必
隱與維持遠邑西北有石橋坪坪有叢林曰石橋寺
寺有白石羅漢十七則明初天不飛來者其一止白
土鋪山峪卽羅漢峪也明季獻城毀寺並碎羅漢首
僧續以泥惟峪中一尊獨完夫世人猶知趨吉避凶
羅漢佛也豈彼一尊能知禍變於未然而此十七者
不能先幾而覺之耶先幾而覺之則由天外飛來不

遠安縣志

同治文

卷七

卽可從天外飛去耶要之佛以空爲教本無身何有
首本無首烏用續而其飛來不飛去者前則欲以神
道設教俾世人知天下不可一日無神後則不欲數
見怪異惑世誣民而示天下忠臣義士臨難不避也
是或然與邑侯朱君秋園過之見其山水迴抱聳翠
流丹惜其橋之圯而氣之洩也命紳士李良才重修
八字橋建鎮江王廟並於湖心修文峰以收風水漸
有關鎖未幾湖心突出白石四堆象龜驚鱉蚌宛然
如生此四者於說卦屬離文明之兆也意者剝極必
復贊久必通斯邑將興與是所望於諸生

同濟堂施茶搭橋記

附貢楊臨春

施茶小惠也而行人利之如旱苗之得雨搭橋小功也而行人履之如絕地之逢生世人顧以爲小善而不爲至有大善而力又不能爲將終身不爲一善乎陰騭文曰眾善奉行一曰施茶水以解渴煩一曰造河橋以濟人渡曷爲乎取之取其一念之仁造福無窮也擴而充之則大旱之霖雨巨川之舟楫皆所優爲矣邑有鎮曰洋坪北通襄豫南達荆宜仰接紅崖俯臨沮水擔夫販豎往來淡背而汗流問渡迷津險阻傷心平路盡喚茶神而不應何殊涸轍之魚當水

遠安縣志

同治文

二

卷七

伯之作威難比破空之鳥義士胡君澤四皖江太學生也不吝兼金並營二事亭修山腳烹茶而不憚炎天橋建河心利涉而何憂大水紀其實則獨捐遜其名曰同濟而又恐其久而廢也復捐良田多畝期源遠而流長更增廣廈數間俾有基而勿壞慨然書據付與同人立柱完糧以垂久遠噫胡君一過客耳而加惠吾鎮如此其待桑梓更何如耶吾蓋卽小以見大矣

馬渡河義渡記

生員陳東生

馬渡河者以神馬渡人得名也夫神馬渡人則其人必爲濟世之人其行必有濟人之事緩之須臾即於事無濟而神乃特顯靈異以玉成其美也不然行者眾矣馬得人人而濟之乎是河也上通房保下達荆沙夏則濁浪排空過涉旣驚心滅頂冬則堅冰在水褰裳將墮指裂膚於是草草勞人不得橋梁而病涉招招舟子難填卹壑以居奇苦海無邊慈航安在窮途可憫義渡宜修則有者民鄧紹彬陳登巍者同發善心共籌公項家非素裕願割地以倡捐行遍綠邨遠安縣志

同治文

三

卷七

樂取人以爲善審高卑之形勢埠頭則募自曾家冀陰隲之久長水腳則施由眾姓旣醵良田卅畝俾舟人以渡代耕更營小屋數間覓竈戶施茶解渴從此東西二埠有捨無歸無論寒暑四時逢人則渡議旣定鳴諸官官爲之示禁勒措懲游惰如有仍前需索准其另募承充夫鈔不破人雖窮陋之小惠而權操自上實永世之良圖然則昔年渡以馬可偶而不可常今則渡以人可暫而即可久則不冀倖神力而專務人謀最可恃也且烏知彼神也者不又有默相其人者在乎爰書往事用勸來茲

凌雲塔記

周葆恩

風水之說不可惑而要不可不信惑則冀富貴於將來而不可必信則考興衰於已往而有可徵余查遠邑舊治亭子山又遷鳴鳳山其時鄉會兩闡捷音屢報迨遷今治則寥寥可數邑侯鄭介眉司馬曰此風水爲之也邑在萬山之中山峰卽文峰也砂飛水走則無以藏風聚氣岡巒起伏不爲之用雖有若無矣今治東南方遠山不應近山又低培植文峰非建塔不可細詢之乃知其家傳堪輿法至今八代矣司馬乃捐廉俸助膏火集生童勤考課多士舉業月異而

遠安縣志

同治文

四

卷七

歲不同今二載餘文風蒸蒸日上元旦謂余曰本年大比諸生可中者將十人余曰然然不知縣運何如耳司馬曰予相度地宜已擇於城內東南隅建文峰塔當捐經費以爲諸紳倡誨吉興工開工之日有五色雲結於巽方司馬曰此文昌宮也塔成必有興者遂命之曰凌雲按司馬躬行節儉心係閭閻教士如師愛民若子課農桑傲游惰戒博戲勸睦婣敬禮神明崇修廟宇勤平獄訟幾空闔扉仁政本之仁心學術發爲治術者未可殫述附誌其大概於斯記之末俾士民不忘焉

重修名宦鄉賢孝子節婦四祠記

周葆恩

名宦鄉賢孝子節婦四祠咸豐年間熊君瑞堂捐修矣朱塗未久丹雘猶新官吏士民莫知大厦將傾也丙寅冬鄉賢祠忽坍塌數椽鳩工審視則蟲蛀暗虧再察名宦孝子節婦三祠亦然余與邑侯鄭司馬召諸生謀所以繕之熊子增生汝鈺泣然曰此吾父未竟之功也當獨任之即日興工易其朽蠹補其罅漏閱二月而工畢捐貲甚廉也夫功無論乎鉅細費無論乎多寡

遠安縣志

同治文

五

卷七

一視乎任事者之心而已熊子以衆人願修之祠爲其父未竟之功慨然以其事爲已事是見四祠而不見其父見四祠而又如見其父也是以忠孝節義視四祠即以忠孝節義視其父也昔瑞堂惟能遵父命修隄焚券故義高梓里而名達

楓宸有子若此亦可謂能繼父志述父事矣是不可不記之以爲後來勸

重修城隍廟記

周葆恩

陰與陽道通而化速上與下志合而功成治民事神宰官事也顧有察其顯不能察其微者政刑所不及糾之以神明乃魄動而心驚有勞其心不必勞其力者經營所必到將之以誠信斯事半而功倍遠邑自嘉慶六年鍾侯應焜重修城隍廟後距今六十七載正殿猶傾而僧房無論已神像猶毀而齋供可知已今邑侯鄭介眉司馬勵精圖治緝暴安良頓令風俗一新仍恐世情百出以爲城隍尊神顯於帝而無微不至忠於民而有感斯通教化蒼生保障赤子我與

遠安縣志

同治文

六

卷七

神分幽明同功用焉是以暘雨愆期命爲民請閭闔失德罪在我躬凡所曲致之民者皆可昭告於神也然既有以邀神鑒尤思所以妥神靈於是重修正殿再建拜臺作亭適接乎簷牙俾春雨秋霜不致泥塗冠冕繪采聿新夫廟貌即功曹法像亦皆黼黻文章外而戲樓內而僧舍蓋無不完美如初矣住持文印到處以募修爲事念既誠心復細邑侯知其可任而任之一年功畢屬予記其事鏤諸石余以神不言而襄吏治僧盡力以體官心故曰陰陽道通而化速上下志合而功成也云爾

重建武廟記

周葆恩

天下事患力不到實患心不到居官者存五日京兆之心而又無必爲之志此所以轉相諉謝而一無所爲也况興大役動大工乎遠安廟宇傾圮待修者多而武廟尤甚棟折瓦疎蕭然四壁登庭享祀共抱杞憂於虜人不可暫立矣而謂神可久居乎前署邑侯文君小山名紳士募貲重修將有成數去任張君仰垣代理適江漢書院勸捐膏火兩事並營民力維艱挹茲注彼而廟不果修今侯鄭介眉司馬綰篆見廟心傷毅然興復謂故址太低加填數尺謂戲樓不敬

遠安縣志

同治文

七

卷七

改鑿頻池謂法身久享夫馨香勿擅遷移而毀舊像謂大木多生於邱壠勿輕斫伐而損古塋慘淡於前慎重於後急迫也而行以從容小心也乃以善大事平地起蓋初無舊貫可因也空手支撐非有寸金之蓄也而一人誠意眾姓解囊廣廈已成金身復見此可知心到者力亦到無患工之鉅而費之繁也故不曰重修而曰重建夫聖神百世而不遷工程十年則小變嗣而葺之乃可久也後之視今猶今之視昔余多侯之有志竟成故叙其事以告將來官斯土者

碧澗寺不知其處論

周葆恩

大凡世遠年湮之事有不必曲爲之解者曲爲解之鮮不鑿矣舊志載碧澗寺今不知其處闕其疑可也而吾謂猶可以義斷夫碧之爲言青也澗之爲言谿也在唐人創寺於青谿不以青谿名寺者避俗也在後人以寺在青谿卽以青谿名寺者從同也不特字義可解考荊州府志列碧澗於遠安寺觀中以唐元稹詩序證之則碧澗之爲青谿明矣或曰別有碧澗寺近龍女祠今久廢矣顧曰久廢必有遺址旣無遺址則一寺二名又何疑乎夫竹馬也而曰筱驂孔雀

遠安縣志

同治文

八

卷七

也而曰聖禽古人立異好奇大率如此雖然易青爲碧易谿爲澗騷人詞客一望而知而遊是寺者不盡騷人詞客也必將舉命名之義遍執遊人而告之不亦勞乎夫知其名不知其處而置之猶可言也知其名必求知其處以實之將有身在碧澗而不知碧澗之卽青谿者是猶口誦觀音而不知觀音之卽吾心矣夫頭之言首腳之言足卽身而具者也今舍頭而別求所謂首則頭上加頭舍腳而別求所謂足則足外添足求之不得則曰不知其處然則頭也腳也將於吾身之外求之乎抑將曰不知其處乎

仙居洞說

周葆恩

客有告余者曰天仙好樓居地仙好穴居鬼谷子地仙耳弗如純陽遠甚夫仙也而有天地之別乎哉吾觀洪荒之世夏居橧巢豈人人皆天仙冬居營窟豈人人皆地仙抑豈冬爲地仙夏則爲天仙夏爲天仙冬復爲地仙與是說也其亦不經之甚矣然則谷以鬼名者何也曰先生無果於忘世之心故不自命爲仙有超然拔俗之概又不混同於人非仙非人而姑託於鬼亦謂仙與鬼一而二鬼與人二而一者也生於戰國不欲以戰國視戰國而直以洪荒視戰國若

遠安縣志

同治文

九

卷七

曰吾亦同爲無懷氏之民葛天氏之民而已矣明知縱橫不可爲而士各有志何嘗拒儀秦之我師但知山水有可愛而苟非其人並不屑巢許爲吾友天下名山多矣未有若楚之青谿下深千尺其水靈異若此者人之遊名山者眾矣亦未有離離奇奇如遊山陰道上應接不暇若此者是以擇而居馬邑先輩談復齋孝廉至其地爲題八景曰卧雲古洞龍女遺蹤谿橋夜月烟寺晚鐘雙泉澄碧奔濤濺雪鬼谷幽棲雲夢晴嵐可知先生所居猶是人人可到之境而非等於絕人逃世者入山唯恐不深也要之青谿諸景

地之靈者鬼谷先生人之傑者有其人無其地則遺
名士羞矣有其地無其人則爲山靈笑矣合地與人
而二難並焉則人以地傳地亦以人傳不然何戰國
以前有青谿而無青谿戰國以後無鬼谷而有鬼谷
耶必別樓居爲天仙穴居爲地仙然則岳陽黃鶴樓
之最著者呂仙居之不曰樓主而號洞賓則又何說
也客不能對

附錄朱嘯筠明府更定八景曰楓林夕照柳岸晨
曦東嶺古松西山微雪五曲鶯聲三橋驢背珠阜
迎風果園聽雨

遠安縣志

同治文

卷七

祭宋公祠歌辭

陳文藻 廩生

嶽嶽宋公劍南世胄學裕經綸文成錦繡來宰山城
 牛刀小就愛民為心澤期下究短駟雖傷長才不疚
 相視沮流民可使富親履陌阡勘明溝竇鑿石穿渠
 人窮天湊四野環流源泉交迥旱不為災豐年多以
 經歲連年郇膏猶懋在昔益州五袴歌奏人往風微
 其轍已舊在昔漁陽兩歧麥秀幾歷星霜民無補救
 孰若我公恩同高厚水利既興千秋福祐民不能忘
 遠安縣志
 詩四言
 樂利世守勞勩當年馨香此後秋薦黃梁感以聲臭
 神如享之來歆俎豆

藝文詩

五言古

遊青谿寺

晉郭璞

青谿千餘仞中有一道士雲生梁棟間風出窗戶裏
借問此阿誰云是鬼谷子翹跡企穎陽臨河思洗耳
聞闔自南來潛波渙鱗起靈妃顧我笑粲然啟玉齒
蹇修時不存要之將誰使

遊太平山

齊孔稚圭

石險天貌分林交日容缺陰澗落春榮寒岩留夏雪

望荆山

梁臨沮伯淹

遠安縣志

詩五古

一

卷七

奉義至江漢始知楚塞長南關繞桐柏西嶽出魯陽
寒郊無留影秋日懸清光悲風繞重林雲霞肅川漲
歲晏君如何零泪沾衣裳玉柱空淹露金樽坐含霜
一聞苦寒奏再使艷歌傷

感遇第十首

初唐陳子昂

吾愛鬼谷子青谿無垢氛囊括經世道遺身在白雲
七雄方龍鬪天下無亂君浮雲不足貴遵養晦時文
舒之彌宇宙卷之不盈分豈徒山木壽空與麋鹿羣

歲初巡屬縣登高安南樓言懷唐張九齡

山城本孤峻憑高結層軒江氣偏宜早林英粲已繁

餘滋含宿霽眾妍在朝暎拂衣釋薄領伏檻遺紛喧
深俯東谿澳遠延南山樊歸雲納前嶺去鳥投遙村
日盡有餘意心惻不可諉竭來彭蠡澤載經敷淺原
春及但生思時哉無與言不才叨過舉唯力酬明恩
美化猶寂茂迅節徒飛奔雖無成立效庶以去思論
行復狗狐迹亦云吾道存

清溪行

盛唐

李白

清溪清我心水色異諸水借問新安江見底何如此
人行明鏡中鳥度屏風裏向晚猩猩啼空悲遠遊子
宿清溪主人

遠安縣志

詩五古

二

卷七

夜到清溪宿主人碧巖裏簷檻掛星斗枕席響風水
月落西山時啾啾夜猿起

青谿

盛唐

王維

言入黃花川每逐青谿水隨山將萬轉趣途無百里
聲喧亂石中色靜深松裏漾漾汎菱荇澄澄映葭葦
我心素已閒清川淡如此請留磐石上垂釣將已矣

題簡生惺水石居

知縣周會隆

五日畫一石十日畫一水誰知水石趣羅列在戶牖
泠泠雲罅中稜稜波光底珠疑入戶濺雲似觸衣起
日照石如雪風來水似綺陶陶水石間兀然一君子

宿龍女祠

東湖羅應箕 序生

老僧留客宿蘿屋傍巖洞就枕不成眠泉聲繞幽夢
同周柳溪靜夫昆仲青谿寺夜話

羅應箕

夜靜泉更響燈殘翳復吐久別盡慙勤坦懷忘爾汝
寒雞若關情唱遠音何許野風打窗紙欠伸共延伫
缺月下西峯山影臥烟渚空濛淡靄間清景妙難語
團蒲坐睡人警起安禪侶

谿上懷羅夢生

周維翰 貢生

儵魚躍清泉好鳥鳴深樹豐林擁危巒絕景斜陽暮

遠安縣志

詩五古

三

卷七

同心三五人谿上行且佳理語參元微清言吐情悽
故人綠蘿村遠隔堆藍路何時策蹇來重話雲生處

鳴鳳山

詹應甲 知縣

羣山繞縣城閉門飽我日出城山轉遙入山溪愈曲
委蛇歷坡陀人如鮎上竹懸崖夾洞門山勢甘就束
龕荒綉古苔一燈照寒綠蝙蝠如車輪張翅向人撲
若非轉羊腸幾欲陷魚腹凌空架石梁惜哉無飛瀑
碧虛禮元君傑閣何年築頗聞鳳凰鳴有聲協嶰谷
如何吏隱流山名從此屬周侯徙城隍安君力修復
懷古意蒼茫道人不余告斜陽下翠微隔林見輿僕

歸來早放衙還夢西山麓

過新城

傅正操 職員

芒鞋踏春去春風吹我衣青山如舊識柳絮又晴飛
磬聲隱深壑塔影挂落暉古木橫春澗石壁生翠微
十年重過此境地今昔非欲問當年事瞻望倍依依

遊鹿苑寺

詹應甲

鹿車不可招鹿門尚可踐隔溪見鹿山大山尋鹿苑
溪灣山一曲山回溪北轉招提春雨餘燒艾兼煮葑
遐哉陸法和曾此遯軒冕苦竹與怪松遊人尚未遠
如何了機禪三年蠶脫繭試問山中僧無言指苔蘚
長嘯出禪關山雲自舒卷

遠安縣志

詩五古

四

卷七

秋日登雲門山訪陸法和棲隱處

李林禎 貢生

杳杳雲門山靄靄雲深護居士陸法和脚根於茲住
棲隱鹿苑中心耽烟霞趣先生梁末時炯然才節著
豈伊方外流潔身忘世路山高與水長人往風堪慕
我來訪遺跡蕭蕭秋風暮玉帶水七盤鹿溪石砥步
夾岸紅葉林霜染楓錦布古寺傍鹿曠山僧與鹿踞
不見講經人點頭石如故法華臺邊松亭荒風長諱
坐對錦屏峯仰觀冲霄柱安得仙可招言尋了機屨

盡日足徬徨苦竹蟬鳴樹幽邃真怡情斯人不可遇
心逐倦鳥還桃深識歸渡迴首望層巒蒼茫隔烟霧

李甲煊貢生

聞說鹿苑幽匪伊朝夕故策蹇曾此遊果然傳非誤
昔有陸法和荆山標雅度著脚此山中耽幽遂倚寓
當其在山時疾果烟霞痼一遇朱元英慷慨談世務
率兵敗任約江陵登仕路縱思建奇勳梁室天不祚
昔是逍遙客後被軒冕錮咄咄陸法和徒惹山靈妬
其才雖可嘉其節不足慕達人元知幾興亡了不晤
誰請先生出誰教先生住先生未出山梁已危若露
遠安縣志

詩五古

五

卷七

脫令長此終猶存居士墓胡高樓隱名邯鄲失故步
至今雲門山白雲猶羞護

鹿苑寺題壁

陳堃增生

載酒登雲門狂呼踪尋鹿鹿走不知處但見人驅犢
危岩欲招仙爾音闕空谷境幽物亦幽怪松與苦竹
遐哉陸法和踪跡難追逐錦屏蔽其前石柱巍然轟
山迴溪七曲山靜水自洑旁搜穹碑字漫滅不可讀
叩門呼老僧借問幽人宿老僧下階迎攜手一往復
指點雲深處可栖人五六長嘯出禪關來日同結屋

宿大士庵

傅青藜廩生

迢迢夜不曙青燈虛幽夕素懷寄琴書欲拋空復惜
酣眠貪睡味清夢恣所適伏枕聽流泉寒蛩咽殘月
曉鐘傳秋響覺來窗戶白

泥水洞水碓

陳國恪 貢生

有水出茅泥涓涓渡原巘先民運巧思樞機發石碓
遏流下山渠引水入木筧以輪承其間水激輪自轉
輪貫軸團團軸露齒齮齒齒互擊撞源源相踏踐
踏踐如有循自然不由勉迅如轂轉車無煩馬力趁
旋如珠走盤不用僕夫遣因勢利導長薄技施輪扁
有因人不勞事事皆稱善天道寒暑因歲月催車輦
遠安縣志

詩五古

六

卷七

地道高下因江河就關鍵絺膏不運方環轉圓如繭
輪圓自運旋軸圓自舒卷方寸木屑頭回首萬牛喘
大哉創物功資益良非淺

遊仙女洞

談修來 貢生

我遊仙女洞身在仙窟裏雲氣浮遠山泉聲沸流水
林疏雨過清谷暗烟橫紫桃花笑依然遊覽心自喜

茅坪道中

傅汝霖

崖行不知險逍遙恣娛日危磴疊流泉炊烟出林木
香吹蘭蕙風樵唱簷幽谷春氣釀餘寒白雲低壓屋
空翠欲濕衣雨潤松花熟吾生愛清幽躡足空逐逐

春意不可知鳥鳴眾山綠

秋杪青谿晚步

傅青藜

微雨晚復晴疎林淨如洗躡徑覓幽蹤人在滄浪裏
徘徊戀斜陽煙橫暮山紫落木吹野風山月澄秋水
日夕獨歸來行行復止止

韓石麓寫青谿

楊州彥

乘興寫青谿問似青谿否喚出老僧來老僧但拍手

秋夜偕周柳溪林湘卿入鹿苑 盛徵琪

名山如異書到眼朗於月亂山不知名天地此毫髮
楚以瀟湘稱南山在彼節靈均騷雅才足音此間絕

遠安縣志

詩五古

七

卷七

客從鹿苑來方隅咫與尺衣素未爲緇看朱已成碧
山靈豈好諛奇境爲臚列青谿有五曲下里無三疊
吾親攜具遊山因此誣白惜哉陸法和鄭重黃金訣
參同問坎離牝牡認凹凸嬰女藥未成崦嵫景且沒
一笑賦歸來兩腰痛如折好山猶好色孱頑爲形役
蛾眉何處尋苦憶申江歇岱宗方其高白雪方其潔
酒因醜醜消法爲須彌說

秋夜偕周柳溪林湘卿入鹿苑 朱錫綬 小雲

然炬夜入山更深苦無月癡雲蔽星斗微見路如髮
中有溪水聲疾徐爭赴節入山未許看聽水已奇絕

投宿得僧房臥遊隔咫尺窗明誰呼晴
筇破鹿眼碧出門一笑迎對面兩眉列
天然作圖畫左右屏風疊遠仿王右丞
近撫董思白蒼莽一幅雲變化兩家訣
怪松攫巖凹瘦竹攢石凸十步五步閒
靈氣互出沒憶余初入山長涂幾迂折
非無好山水觸熱苦行役揭來訪野寺
勞薪暫休歇塵海胡瀾漫山泉胡高潔
請擇斯二者佛言不可說

月琴山

增生傅濟川守拙

山月照彈琴琴彈山月白胡爲月與琴
名被山假借古人不見今高山志寄昔
風來疑有聲雨過潤無迹遠安縣志
憑眺幾徘徊長爲廢寺惜

遠安縣志

詩五古

九

卷七

輓周芑翁同寅

天門舉人劉人彥保臣
大治司訓

客夏與君別攜手淚闌干後此恐難覩
如面藉言傳屈指星一周繞腸緒百端
檢君前度書抵里報平安我旋覓便羽
努力勸加餐胡爲得茲耗摧絕心與肝
云君竟死矣其然豈其然神旣與君往
夢未到我前憶我遇君初於今已六年
君心如金石君氣如蕙蘭對之竟昕夕
欲去尚流連倘教數日隔中心卽不歡
吾儕乏簿書亦殊饒簡編曹倉與邊笥
有叩必竭焉述我所素習追思更涕漣

貧無治生策家傳祇硯田一官飯不足安問買山錢
而爲老病迫屢屢欲舍旃我因繫且維乃與其盤桓
不啻吹壘篋聲和而節宣知我勝自知憐君實自憐
斯文等骨肉况復同卑官相期以頤養相勸以達觀
相助以長物相慰以文翰龐公有妻孥相慕以靜專
太邱有子孫相勸以孝賢如君乃明道相隨步前川
如君乃胡瑗相伴開講筵風景猶在目行跡成雲烟
於時際芳春草木含辛酸門墻桃李樹如雨淚不乾
赴輓路修阻奠不到九泉數行爲君誄臨穎發浩嘆

雪中望青谿

張致青

遠安縣志

詩五古

九

卷七

索居憶舊遊青谿日在眼山城一夜雪白雲封絕巘
天低寒光凝雪與雲難辨古松自蒼蒼流水自澗澗
陰陰鬼谷洞心遊神獨遠

重建寺塔誌喜

貢生周明修靜夫

萬物囿於數大力不能爭息心參元渺數兼理以行
此塔三百年欲傾不遽傾罡風墮浩劫解脫悟無生
祖作孫爲述堂構曠世撐移之南山陽器局更恢宏
金谷成灰燼銅駝委榛荆樓臺倚宮闕禾黍一列耕
俯仰弔興亡感慨無限情胡此區區者旣毀旋復成
其中有靈爽此理甚分明善根不終壞萬古長嶢嶸

待月樓春望

喻慈昌 職員

瞥眼春欲暮未曾盡春趣雨後開新晴登樓逞四顧
山村少遊人桑麻急農務晴風烘春雲乾坤醉不寤
百花落更開羣鳥啼不住萬物爭春生憐人不如故
問天天無語無心因物付莫教自摧殘致此浮生誤
何以答蒼蒼悄然返吾素寄語箇中人珍重天所賦

香橋湖

楊獻廷 庠生

太平山下路百井泉中水滙作香橋湖灌輪周迺理
覆船嶺

郝延禧 庠生

山中不用船覆自何年始牛馬任人呼象形或如此

遠安縣志

詩五古

十

卷七

瀘溪寺

徐甲陞 庠生

入山尋古寺出山心猶戀回頭見溪雲漫空拖匹練
訪鬼谷洞用王右丞青谿詩韻 盛徵琪

碧雲思美人盈盈隔一水勝具作山遊綠谿四五里
一曲一佳處漸入翠微裏草木亦蒼生忠厚賦行葦
六蝨方紛爭七雄鬥如此具體有孫龐先生請休矣

前題

朱錫綬 嘯筠

杖策經山蹊夕陽在秋水恍然憶昔游鹿柴而栗里
琴聲空澗中猿嘯危崖裏蝙蝠如車輪黃昏出鼓葦
荆榛誰與芟縱橫已如此寄語洞中雲出山亦可矣

迴馬坡

翟承統 庠生

吳狗甘事曹桀犬多吠堯虎為羣獸困策馬迴山均
胡不冒鋒刃聖人異英豪冀爾吞吳身復荆報漢朝

登龜鶴亡山

戈必貴 庠生

神物避塵囂何年下茲土不飲亦不啄兩峰相對舉
草木被綠毛泉石飛白羽豈止壽千春乾坤與萬古
偶然一登臨低徊不能去九疇聖人瑞一品大夫侶
列宿在胸中書不赴隴圍感慨峴山碑年年飽風雨

遠安縣志

詩五古

十一

卷七

藝文詩

七言古

青谿寺步虛詞

唐高 駢

青谿道士人不識
上天下地鶴一隻
洞門深鎖碧窗
寒滴露研朱點周易

青谿春雪引

明解 譚元春 友夏

入山看山養毛羽
古泉飛作一潭雨
曉起山靈幻巖
壑吹雨作雪融
膏乳亂煙斜霧封
羣岫添寒着艷心
如畫不知何峯有
樵徑青帝縹緲龍
女瘦萬白光中
分翠微其中新柳
碧依依山家拄杖
撥春麥田禽饑
出肩輿飛鬼谷
相迎吾不往洞口
雪花大如掌

遠安縣志

詩七古

一

卷七

將到青谿同周汝璞雨宿山家

行近青谿猶夢谿
谿鳥出谿數里啼
主人細雨自同心
濕雲下山松桂低
雨不停絲嵐新飾
灑灑怒增空崖力
明朝新霽猿出迎
昨日緇流探消息

青谿詞

明楊 瑋 樹布衣

湖南青谿水不濁
湖北青谿水更綠
兩谿相較此谿
幽繞郭無如在山
谷龍女時來照
曉妝絕勝湘妃倚
江竹出雲鐘磬雜
泉聲不比蘭舟鼓
歌俗含烟似羅
覆青銅映月如盤
載碧玉既以氣味
洽幽人還將聲

色空禪宿秋山况復助清奇落翠飛嵐聚一曲我來
頓覺肌骨涼愛向堯中獨彳亍楚中只此兩青谿惟
此堪我結茆屋

登鳳山宿飲明月閣

鳳山秀聳侵碧落眾嶺連綿莫能學如無眾嶺獨高
寒縱使凌空亦寂寞遊人領畧須細心佳處半在山
之脚一灣流水一灣雲水雲澹處孤亭着野風時掃
翠微烟丹青畫出明月閣與君對酌候月來靜聽幽
禽啼亂壑

濂溪小島

知縣安可願

遠安縣志

詩七古

二

卷七

水陸草木花甚蕃人自愛花花不言愛蓮惟有周濂
溪俯視百花總眼低先生愛蓮實自愛我愛先生恨
不逮蓮花亭亭出物表聊襲溪名名小島小島一旦
有蓮花花如人意愛不差忽然又見牡丹開俗人君
子雜遝來自古君子愛君子不數姚黃與魏紫姚黃
魏紫夫何嫌但分污濁與清廉二花殊質同氣味君
子何必避富貴君不見原思清潔賜饒裕兩賢相逢
豈陌路

正月九日同郭克振諸人登鳳山

談經正舉人

萬山獨愛鳳山矯，乘春結侶踏清曉。開歲九日絳節朝，鱗集士女羅雲表。載酒狂客三五人，或乘欵段或腰褭。繫馬天門梯青冥，拾級以足半指爪。後人上承前人踵，前者回見後者腦。五步小立十步憇，憑岩喘汗中如擣紫皇。高居氣紛綸，天際雲霞入縹緲。眾嶺兒孫環且伏，烟火一枰山郭小。俯視鳳麓寸許人，琳宮精舍肩相撓。旁有道士小丹廬，樓閣憑虛冠木杪。窗開西嶺千里雲，欲挾飛仙窺景倒。下尋山腰得平臺，酌酒與山恣究討。傾壺倒甕盡，謹吸酪然一笑通。蒼昊猶嫌酒信爆，聲頻顧盼坐使高陽惱。

遠安縣志

詩七古

三

卷一

青嶺洞口書石

談經正

層巖列壁矗空杳，如帶天光窺天小。亂泉堆雪澗之陰，泠泠幽咽發林表。青嶺西峯常欲合，橫霄白石落未落。洞口奔濤截澗橫，前溪迴湍勢屢却。衆木陰森盡蟠曲，枝與根株苔蘚綠。怪石當流怒未平，捲起驚濤瀉寒玉。冷氣襲林木，葉秋熱客過者寒。起粟我迫人事西山路，經留欵曲向日暮。茫然塵沙喘汗容，無端自許烟霞痼。蒼山碧水兩無言，漁人黯爾出桃源。

斷江河

談經正

西山亂泉奔不住，曳雲委練排溪去。一壑風雷戰礫

砢幽湟噴沫常合霧蜀江東下淼茫茫兩涘岸渚迷
烟樹衝流直截大江橫碧痕剪斷洪濤怒怪石嵌空
覆湫潭嘉魚纍纍穴底聚直欲突過鱗與鱸豈惟魴
鯉及鰕鮒景斯幽壯物復絕泯沒千載荒巖路泊予
窮老萬山中翻得恣探幽壑步徘徊孤嶼仁濠梁林
屋杳冥鳴漸濩渺然身世兩俱忘寂寞精神移形素
長嘯空谷響互答緬彼滄洲咫尺遇野人不解余所
以笑云余與石壁語

羅漢峪

詹應甲

長三十里壑有泉高八千丈洞有天巉巖之石矗兩

遠安縣志

詩七古

四

卷七

邊中央乃有驪龍淵怪藤絡石石倒懸大石小石落
馬前石根齒齒啼血濺上峪下峪蛭脚緣入峪出峪
魚腸穿行人接踵愁拍肩側身欲退不得旋是何尊
者眉龐然舉手招我山之巔山靈雖怒我佛憐我當
跌坐安枯禪

由羅漢峪三十里至香油坪

貢生

周維翰

柳溪

岷山之派分江底在山腹中行萬里裂腹瀉入羅漢
峪穿萬山出入沮水峪口山連一片雲其上駢肩下
連趾似爲水衝不得行退後一步峪門啟絕壁狎霄
磚砌成亂峯摩雲鐵鍊起如飛如走如戰爭怪狀奇

形極無理最佳勝處香水巖沿巖探穴築石壘穴中
時聞鼓隆隆疑仙疑佛還疑鬼三十六曲浪沄沄二
十四橋石齒齒藍輿半日峪中行風聲水聲沸人耳
石徑稍平山忽開漸有田廬與山倚曖曖望見香油
坪酒帘飄颺役人喜

臨沮故城

覃仙根 月齡

臨沮故城無遺址龐眉老人爲余指土中時有女墻
磚耕者得從男畝裏吁嗟漢家西復東三分國鼎更
梟雄按圖徵賦無虛日木落青山也若空今日青山
猶在此舊城如斗知誰是劫成浩浩動屯雷火息炎
遠安縣志 詩七古 五 卷七
炎寒井水鳳笛龍笙總渺茫高陵深谷互滄桑清風
不識劉郎浦明月尚過漢室疆萬里河山分蚌鵲地
經遷改長蕭瑟從前雉堞列森森未幾鱗原開一一
太息人間萬事非一天寒雨鷓鴣飛繁華消盡空塵
土原上青青草自肥

回馬坡懷古

廩生徐甲孚 蘊山

荊州破壞門戶棄臨沮江上困騏驎運蹇途窮可奈
何臨風墮下英雄淚慨自襄樊苦兵連輕吳計未策
萬全忽聞江渡白衣櫓旋師空嗟馬腹鞭上庸望救
徒翹企鴻鵠無翅飛難起遂令千古神聖人末路迤

邈一至此鋌如鹿走入蠶叢塵霧滿壑蔽太空料識
前途行不得一鞭回首馬嘶風先矣精誠貫金石石
上深深留馬跡雨蝕風摧長不磨道旁流連動行客
我來弔古上層巒谷風淒淒澗水寒洞中似聞羅漢
語先生行矣毋長嘆

起鳳樓中秋玩月

庠生王殿英 笏臣

一年容易又秋風秋到今宵月滿空料識樓臺先得
易三千里色望皆同鳳樓新跨沮江起王國羽儀從
此始有客登臨一捲簾長天萬里無渣滓峩峩西接
鳳山高城郭人民析秋毫月下羽衣誰奏曲鳳凰流

遠安縣志

詩七古

六

卷七

韻入檀槽當年鳳爲循良至此日樓成應鳳企藻耀
高翔筆預提前身明月猶心記我來恰見月當頭清
景無邊聚一樓安得飛騰同鳳起羽毛豐滿恣遨遊
嫦娥天上先嘉乃故向中秋放光彩不夜城開近此
間三人對影居然在天香雲外助清華丹桂初開第
一花幾度仰天攀欲上肯教秋思屬誰家徘徊四顧
金蟾皎老子流連餘興好繞遍欄杆發浩歌舉頭翻
覺乾坤小詩箋酒盞兩縱橫樓上鳳皇向月鳴鳴出
一腔春滿座栽培心事月分明夜深到處笙歌歇月
照鳳樓光發越借問建樓者阿誰宰官名播東西粵

龍女祠後古梅一株數百年物也祠僧伐以爲薪書此誌恨

貢生周維翰

世間恨事那有此梅花何罪遭橫死措大聞之恨不已欲搏禿奴截其指亡是公子爲余言先生休矣無膠柱萬物榮枯數莫逃花數豈由人作主先生曰嘻子未知此花人驚絕世奇裂開陡壁根突起斜倚危簷枝倒垂老幹盤屈圓如蓋古色斑斕尤可愛每當谿上花開時一片釀成香世界亡是公起笑啞啞請爲先生進一說不聞尤物天妬之此花母乃宜摧折君不見金谷銅雀皆寒灰美人名士同塵埃燒琴煮鶴寃多少遑爲一花憐復哀又不見道人委蛻留元神釋氏涅槃焚其身花魂直入眾香國皮骨何妨摧爲薪頓聞此言首頻可化化生生悟尤夥陰陽爲炭焚洪爐何止老梅死於火掀髯一笑認梅根孤幹鬪去旁枝存摩娑柔條喜林立從今遺下子若孫梅子梅孫齒忒幼望山拜乞山靈佑飽霜饜雪五百年天矯離奇復如舊

出山城入青谿

知縣朱錫綬

山城秋霽山翠浮官閒聊約山靈遊出郊山比民居稠欲迎欲距欲挽留不暇應接惟點頭一山當道盤

遠安縣志

詩七古

七

卷七

如虬人行虬脊風颺颺側出一山高無倚眾山從之
如奔投滕薛爭長知尊周或如門闕如軒輶靜如鶴
吟閒如鷗如溪飲馬陂臥牛如髻聳兮如眉修如美
人兮當高樓刑尹避面如含羞如曠如笑如迴眸按
圖召幸爭先收豈無王嬙抱離憂畫工不向延壽求
珊瑚鍊網誰能搜雲中雞犬仙去不古松鱗鬣濤聲
迺瑤琴忽發空際謳鬼谷已杳成連休歌碧玉兮夢
夷猶月明何人蕩蓮舟一曲一詩心悠悠中郎倡者
郗僧酬誰與畫此溪山秋摩詰粉本空雕鏤古來名
士水上鷗土花沒碣蕭梁愁不如飛錫遊神洲拍掌

遠安縣志

詩七古

八

卷七

一笑逢浮邱

登鳴鳳山

陳教塏舉人

蜀山東下萬餘里百折千迴肆奇詭直走沮江勢益
雄嵯峨笑見鳳山起其下羣山就地蹲小岑卑扈大
高峒或前或後環相向肅如臣下朝至尊我來躡足
凌峯午百里人烟同一俯山中儘有世外緣安得凌
風生毛羽琳宮憇息窮真宰青山蒼蒼長不改如何
鳴鳥一來儀飛去動經千百載翩翩仙音不復作樓
臺終古還崑崙滿目栢葉與松花長嘯空中來遠鶴

起鳳樓中秋玩月

傅天閣庠生

鳳樓拔地干霄起樓中月色清如水况當佳節分外
明照見峯巒烟光紫五鳳樓手本殊眾修造成功開
畫棟天教佛現宰官身說法樓上來儀鳳鳳起高秋
月滿樓風吹桂子天香稠有客就中頻勸酒長歌對
月倒金甌酒罷依欄瞻氣雄舉頭直欲探天宮聽唱
霓裳羽衣曲梯雲步月月正中露涼漏永夜方秋秋
天風景好勾留人生一年曾幾見我欲問月月知不
羨他皎潔依樓玩掃几鋪箋同染翰憐才青眼屬誰
人座上春風評月旦爾時再探銀蟾窟滿坐笙歌興
不竭斗轉月移樓影斜醉狂欲掇天邊月

遠安縣志

詩七古

九

卷七

登鳴鳳山

蕪水

畢秉鈞副榜

鳴鳳山玉柱高聳空冥間光彩閃爍倏忽變猿啼絕
壁鶴守關中有勝境足怡悅時聞鐘磬聲聲澈清風
亭上水潺湲明月閣前光皎潔群峰拱向蔚峯我風
吹沮水生微波漁舟賈舶大點綴俯瞰都在山之阿
真君寶像雲霄裏我欲拄杖乘雲起千盤石磴強攀
躋通明殿上深仰止登臨動我懷古情寶祐鼎新靈
鳳鳴太空遺響留不得賸有青山萬古名千里萍踪
恣遨遊表表峰巒壓城樓日暮欲歸思未了更進絕

品茶一甌

藝文詩

五言律

欲遊龍山鹿苑有作

唐齊 已僧

龍山門不遠鹿苑路非遙
合逐閒身去何須待客招
年華殘兩鬢筋骨倦長宵
聞說峯前寺新修白石橋
誥封金紫大夫記恩詩

宋楊大異

峯峭瞻天近臣微感遇隆
有山停紫誥無地報丹楓
帆掛三巴水旌搖萬里風
玉門遙在望効死不言東

遠安舊城

明顧 祿縣丞

羣山繞郭遠一徑小烟霞
高阜通民舍平坡置吏衙

遠安縣志

詩五律

卷七

翠交千歲柏紅綴四時花
老我神仙境何勞問及瓜

遊鳴鳳

明歐陽明

澗水經三折石盤躋九迴
馬鬃雲裏度鹿苑日邊開
臺閣懸如倚松杉低欲摧
登臨欣自適南國有蓬萊

錦浪園賞菊

明李友蘭

種菊多開徑怡情興轉饒
蕊因零露吐葉豈待霜凋
彩筆成孤曠白衣破寂寥
東籬如有酒花下不須招

青谿秋夜

明張斗樞

敢愛科頭出偏宜秉燭遊
天開一鏡月雨送半窗秋
洗菊催花綻裁詩定酒籌
衣深雙鶴下有字寄浮邱

遊青谿

公安袁中道禮部

且莫攀巖去拖藍十里泉流飛鳴古雪雲淨似秋天
秀媚依溪寺淋漓帶水田不圖鄉國內見此好山川

遊青谿寺

袁中道

初曦明嶺路草木有餘欣曲曲還秋水山山學夏雲
亂橋榮澗脈九子露峰紋已過緋桃洞仙凡自此分

又

儘有幽棲地堪怡草木年逢巖思結屋愛水欲求田
白氈石溪淨青螺壁影妍飛禽不到處猶自有樵烟

鬼谷洞

袁中道

遠安縣志

詩五律

二

卷七

巖洞裹珠城重門取次行千年凝雪隱一炬煥霞明
溜乳盤空變冰凍蹠地榮仙源知不遠流水隔蓬瀛

鳴鳳山

袁中道

繡嶺重重裹淙流曲曲環撲天沙翠色拔地鼎彝山
石上桃花麗壇邊鶴使閒鳩頭乘輿往且住莫愁還

將往玉泉青谿別胡汝濟明府

明譚元春

白雲君部內敢不告山行畫入宗生路琴分子賤聲
淙淙春谷大艷艷夜花明去與樵人揖閒談尹素清

分司有感

明韋裔臣

一徑通雲窺孤城傍水隈山光排闥至草色過牆來

林曉幽禽沸峯晴積雪開及時多雨露何地不春回

煙霞洞口

明楊瑯樹

尋山纔入境一口野風清流水聲甲路白雲影裏行
鳥飛千壑響日照半山明緩步臨仙洞煙霞漸漸平

壽隆寺浴佛會

眾山圍一寺到寺覺山無過雨浴塵佛鳴鐘却野狐
香思南燭飯花想玉盤盂爲問六窗裏獼猴呼未呼

遊青谿寺

明雷思沛太史

十里青谿水一條碧玉東月光童子室西極化人宮
身似冰壺裏心如石鏡中朝朝騰白氣細細蓋長空

遠安縣志

詩五律

三

卷七

山城聞警

周會隆知縣

警音連夕報傍晚屯雲低于野棲鴻雁中宵聞鼓聲
傳呼雲外響置堠望中迷遙憶西陵月空城衰草淒

又

蜀寇屯江邊孤城抱月眠寶刀鳴夜壁畫角起遙天
青犢何時滅藤甲應不還風塵雙鬢改莫謾計歸年

庚子夏日侍安父師遊青谿

李樹異

暇日尋幽境澄清一水流人烟連霧遠山色出林浮
松老堪棲鶴潭深任隱鷗喜瞻仙舄至是地擬丹邱

蓮臺

安可願知縣

誰遣五丁劈中流似漸臺鑿池看鏡啟出水愛蓮開
十丈花香遠三層石級鬼謾云時好別是地卽蓬萊
遊鳴鳳山丹崖
許忠一知縣

爲探鳴鳳勝小憇在丹崖飛閣凌雲起長溪破石來
靈凝瓶柳潤香逐座蓮開卽是菩提境從斯人上台

其二鳴鳳

地僻山逾峻尋奇直造巔憑高欣就日舉步欲登天
佛寺香烟縵人寰福澤綿我來閱眺望無處問神仙

亭子山

朱攀桂庠生

百尺亭臺聳巍巍鎮一方清泉環左右翠岫拱中央

遠安縣志

詩五律

四

卷七

自昔蜂衙鬧於今蟻市忙登高闕眺久不禁感滄桑

鳴鳳山

傅作礪廩生

峭壁中天峙凌空玉宇開清風生足底曉日出庭陔
似浪千峯湧如銀一水回誰云枳棘地未許鳳凰來

味瀘溪寺雙桂

楊繼震增生

桂是何年植雙擎梵宇前陰濃分兩地幹老並參天
餐秀饒禪味聯芳結佛緣靈根從此護品軼界三千

過鹿溪嶺

貢生鄭之誥東林

行行還度嶺小憇最高頭水忽隨山轉人都爲地留
溪旁無鹿曠樹杪有蟬謳石上當風坐清涼一片流

遠安道中

羅應箕 東湖

孤城勢鬱盤碧障地天寬路入秦關險山夷蜀道難

田腴河水溜村散樹林團古戍濃陰裏行人每解鞍

蓮渡庵納涼

李林禎

地靜涼歸早林深月到遲科頭團坐露促膝語移時

柳幄陰常護蓮塘氣暗滋堆盤檮果美更可助吟思

過定林寺

拔貢 王學峒

欲問香臺路紅塵處處遮小橋通竹徑流水見桃花

樹裏鐘聲嫋天邊鴈影斜禪關幽且靜誰與品山茶

通城河舟行出峽口

楊夏林 庠生

遠安縣志

詩五律

五 卷七

萬山深峽裏石罅挽舟行水曲篙遙下崖懸樹倒生

急灘鳴日夜窄徑變陰晴瞥爾平川入開篷見月明

雨中過桃李溪

周維翰

客久歸心急匆匆走雨中雲沈山入夢漲合水爭雄

仄徑顛防馬單衣瘦怯風到家差自慰扶馭仗奚童

規口

湍激沙坪怒山爭規口雄飛泉晴作雨隘谷水鳴風

峯合遮天小巖穿入地空灣環行半日不識路西東

龍華觀

徐鴻元 庠生

林巒幽靄處古屋白雲封不見烟中寺惟聞樹外鐘

平橋通曲徑懸磴上層峯拄杖恣憑眺溪流又幾重
遊鹿苑寺 李甲焯 貢生

探奇來鹿苑入谷便清幽古洞紅塵隔仙源碧水流
鶴巢依定樹人語上危樓一酌流霞飲雲門去復留
磨臍洞 劉子垣教諭

古洞天臍認頻經歲月磨圍如南極少結是白雲多
石轉難爲噬岩空好自摩山中來野麝香護日婆娑
鹿溪晚歸遇雨 陳教壇舉人

鬱鬱暗晴暉天光蓋四圍風聲驅雨到雲勢挾山飛
浩漭溪流合蒼茫樹色微行行開晚霽明月送人歸
遠安縣志 詩五律 六 卷七

雲飛洞

彭兆祥 廩生

洞在雲深處雲從洞口飛清風長石觸白日供山依
雨送千重出晴招一片歸寤歌槃澗客坐對久忘機

遊招仙洞

王旭林 廩生

峭壁人踪少攀巖入最幽山高紅樹老仙去白雲留
鳥道通金闕虹橋引玉樓招來誰作主不負片時遊
由羅漢峪至水石居途中卽景 劉躍鯉 廩生

羅漢去不返幽棲聞妙香偶循蒼徑石深入白雲鄉
峭壁撐天起回溪注壑長荆中山水似應接使人忙

信宿鹿苑寺

李象離 庠生

一水扁谿綠羣峯幕寺青月節高下樹雲護短長亭
猿鶴棲崖老鐘魚徹夢醒僧房連夜話塵世渾忘形
鹿苑雜詠

苦竹幽溪

孝廉陳金鑾 轍臣
方正

竹向溪邊植溪幽竹亦幽何妨存苦節相與對清流
夾水天無暑成陰地若秋此間堪避俗欲去復勾留

羅漢點頭

儘有天花落頑能化石頭法華前度講羅漢幾生修
禮佛知心轉參禪覺味留此身長不壞影逐鹿溪流

玉帶七曲

喻秀升

遠安縣志

詩五律

十

卷七

逝水盤山曲幽情繞澗深問誰登彼岸由此滌煩襟
石谷東西渡泉源左右尋無觴延客醉宛轉發清吟
法華古臺

我懷梁隱士古跡剩荒臺演法風流盡談經月照來
乾坤聊縱目塵劫幾飛灰好與熙熙衆同登亦快哉

石柱沖霄

喻秀錯

一柱撐空起高聳入雲烟月掛峯巔小溪涵塔影圓
昂頭天尺五俯瞰界三千絕頂狂吟罷飄飄意欲仙

羅漢點頭

高僧妙說經頑石忽通靈一旦能聽法千秋此象形

霞蒸仙脚赤苔染佛頭青默契無言旨山花自在馨
危巖招仙

峻嶺插霄間欹崎不可攀猿來窺古洞鶴唳響空山
瓊島高千仞溪雲護一灣陸公歸去後無復叩柴關
苦竹幽溪

瘦竹標清節憑誰別苦甘引風來曲院抱月隱荒庵
石氣生虛白鐘聲繞蔚藍禪機如許活好對此君參
招仙巖 徐占魁 庠生

危巖尋鹿苑到此好招仙溪轉疑無路峯開別有天
仰看紅日上遠在白雲邊問訊了機事悠悠二百年
遠安縣志 詩五律 卷七

千年艾 熊于飛 庠生
三年求不得况乃一千年怪此名留艾同他葉紀蓮
松齡須十倍桃實待參連遺種今難覓空將八景傳
初至高安 詹應甲

雲白斜穿徑山青不入城韋臯虛縮印 邑志載唐韋臯曾宰遠安
然考唐書乃韋臯丹非韋臯也 王詡侈談兵 鬼谷子洞在縣西相地

控三巴遠天圍萬砦平年來鋒鏑靖當聽誦絃聲
入境投荒寺單車趨夕曛一龕懸木石半嶺噏風雲
縣僻游民少村閒賽社勤山農無沃土須報長官聞
放衙先掃葉移榻免黏苔窗破風鳴紙庭虛月浸盃

代庖分爨火講學闢蒿萊且喜無留牘賓僚緩緩來

壁壘雲屯處民孱士氣驕怒雷驅牧馬快雪壓盤雕

聚米移營近遠安扼楚蜀咽喉為巖險用武之地戍兵四百餘游擊領之歲買穀於民以資

兵勞薪入市遙如何紆力役先要採風謠

儒冠我草笠賓館帶蒹葭策杖巡鄉易推蓬上水遲

種花官荷插磨墨吏求詩雅稱催科拙蒲鞭早倦施

寒泉羅漢峪苦竹法和庵遊屐何人到囊琴許我探

裝輕攜木皂飯熟就伽藍偏歷幽奇境尋山不厭食

搓手黃柑熟抽牙白菜鮮城中多隙地為果園蔬圃故白菜黃柑甲於他處

山鷄張獵網溪獺趁漁船溪深魚肥居人每飼獺以取之女乏當牕

遠安縣志 詩五律 九 卷七

織農爭負郭田沮漳原楚望懷古溯長川

鄉國三千里風塵聚一堂傳家守清白入室話蒼黃

新債書馮券殘詩積宦囊荒園能寓鶴應免鴈書將

回馬坡

虎鬥龍爭日風雲特地收三分鼎折足千里馬回頭

汗血山花染蹄霜石蘚浮江東羣鼠伏何敢望驂騑

白土坪

坪小偶成市山低如避人居然見平楚從此接通津

燈聚魚喧夜缸浮酒釀春傍城三十里喜看麥苗新

觀音洞

路到雲根斷龍從樹杪懸潮音深入洞石氣遠浮天
佛壁疑無土僧廚不斷煙我來求法雨一勺飲龍泉

遊觀音洞

喻慈昌

鷲嶺濺清泉飛龍玉峽穿藤蘿梯石上樓閣入空懸
冷溜分香積寒烟鎖洞天何時塵事謝借此住年年

福霖井

在慶壽寺

唐方耀

知縣

梵宇何年闢龍蟠碧井陰一瓶分聖水三日霈甘霖
古澗風雲合神湫歲月深斯人同受福靈異紀新吟

洪恩寺

姜開齊

貢生

絕巖闢一寺幽徑入雲深院靜風迴砌松高月掛岑

遠安縣志

詩五律

十

卷七

經聲縈曲檻客緒定圓心住著歸鐘磬飛柯莫浪禁

秋抄遊福河寺宿陳氏山庄

談經正

經留水石村木葉靜無言樹老山容醉溪寒石竇喧
菊尊消永夜藜火澹幽軒更有尋秋興招提約舊存

晚過慶壽寺

傅汝霖

中酒留僧榻纏綿夢不成寒蛩吟破屋饑鼠攪殘更
浥露花無語聽秋樹有聲寺鐘天欲曉殘月半窗橫

重過石馬槽道中口號

王中言

布衣

良朋凋謝盡撫景倍荒涼草覆兵殘血村餘藜火後牆
晚蟬鳴野樹羸馬嚙斜陽卅載重過此秋風感鬢霜

青谿寺雪中作

谿雲常不斷雨雪自多端收得聽泉意分來衆嶺寒
煙凝成秀壁晴瀉作哀湍貪就山房息爐邊逢懶殘
遊青谿寺觀濫泉上石洞洞爲龍女聽法處

玉乳冬春一濫泉流匪今龜魚蒼蘚瘦猿鳥碧雲森
山色開宗炳溪聲續法琳杏花依洞發意欲襯青林

遊青谿寺

安可願

勝地青谿水公餘作宦遊沙明千澗月鴈影一天秋
舊跡人堪紀喧歌鳥不休仙源知不遠歧路自回頭

遊青谿寺因登山頂漫咏

當邑

郭孫俊進士

遠安縣志

詩五律

十一

卷七

荒村鬼谷路雲木翳天昏寸土近全闕千章無一存
浮溪馴鴨浴嘯石野猿蹲獨此留幽意盤桓倒一尊
次韻金邑侯宿青谿寺

談經正

風塵勞鞅掌翻得快嘉遊韻落楓梧冷神凝水石秋
江山開靜慧風物驗時休向夕先憂意蒼生盼黑頭
玉陽粟漢昆青谿採藥迷路喜遇胡山人和韻

姜開齊

久仰年深寺清幽負水濱無緣來聽梵有客識逃秦
谷發風悲虎林驚雀噪人遙知同小坐香滿一谿茵

龍女祠

詹應甲

古洞經聲寂靈祠畫像留山花穿石破潭月入窗浮
橋折分三板亭虛借一舟何當新雨後洗耳聽龍湫

青谿懷古

朱錫綬

道脈歸鄒嶧先生合隱淪元機比莊老歧路惜儀秦
點易山泉活銜芝野鶴馴白雲封洞口不肯溷纖塵
周鬼谷子王詡

死哭心難白生還淚亦紅傳經惟弱女知己兩奸雄
史筆千秋絕琴聲五曲窮至今谿上月耿耿照孤衷
漢司徒椽蔡邕

卓錫原無地談經尚有堂溪聲疑虎嘯山意逗犀香

遠安縣志

詩五律

十二 卷七

西竺傳燈遠東林付鉢涼荆南此中岳遺碣問蕭梁
晉釋惠遠

邃谷蜀鵑愁傷春復感秋蕩舟人不見掬水月常流
身世楚狂隱文章屈艷侔青谿最佳處擬爲築糟邱
唐學士李白

前題

劉子垣

文章天下法詩派竟陵開自檜譏宗伯擒王喻子才
大江名士盡勝國雅音來溪上飛春雪高吟亦壯哉
明解元譚元春

斯人忌盛名孤調莫爭鳴七子頽波挽千秋異議生

文章追屈宋伯仲盡公卿結屋留溪上清吟舊有聲
明吏部郎中袁中道

龍女祠步詹邑侯韻

李甲煊

愛此幽深處言歸暫逗留圍窗羣綠淨入座遠青浮
泉靜藏珠窟堂空坐芥舟雲房容我借長此聽龍湫

同友人遊青谿

宜都李侃廩生

無計覓神仙谿山結勝緣泉聲砭俗耳松翠落吟肩
冷澈三橋月青浮半壑煙叢林幽絕處開闢問何年

又

徑古堆黃葉谿寒瀉碧流山靈開畫本雲氣擁僧樓

遠安縣志

詩五律

十三 卷七

指悟禪中偈心清笛裏秋

僧文印善笛音調清絕

此閒風月好

十日足句留

送策山和尚主席青谿

羅應箕

杖錫名山去諸方衆口芬寸心千尺水兩屐萬峯雲
慧業資龍象宗風斷見聞願將鐵如意高舉示紛紛

又

絕勝青谿寺法琳舊道場移泉說龍女載鉢下岷陽
諦在無千古名存奉辦香定知清磬裏頻祝大醫王

又

青山今有託白色看重開此處多高士相逢老辨才

生涯商勝事世路問寒灰活活前溪水誰人吸盡來

又

影堂燈火夜紺宇廢興年莫以三元要同參五味禪
芋燒松下葉麻種石蹊山愧乏長康筆難捐百萬錢

青谿寺古柏

龍蟠依古寺飛響近諸天佛面寒清影山靈管記年
風霜餘浩劫日月了枯禪羨爾干霄勢雲中鶴不眠

龍女祠次詹明府韻

懸崖遺跡在香火渚宮留月上三潭曉窗空一鏡浮
谿光團野色客思淡虛舟想像安禪叟蒼龍話古湫

遠安縣志

詩五律

十四 卷七

行青谿後山

行行怯客心匹馬半山陰鳥道窮泉竇人家見竹林
牛羊翠微小烟火白雲深路轉谿聲響飄然動遠吟

遊青谿

當邑 姚錦江 明經

何須頻選勝此境最深幽山勢連雲起溪光帶月流
聽泉清入骨倚樹淡成秋坐久心俱寂鐘聲到上頭

遊龍女祠

陳文蔚

谿谷深深裏神祠久著靈泉交三道碧岫擁四圍青
座冷雲生袂窗虛月透櫺莫輕舒嘯詠潭下有龍聽

九日登雲夢山

周維翰

扶筇時小憩半日到峯頭寺小崖爲壁鐘懸石作樓
雲開千疊翠雨洗萬山秋衣薄微寒中茱萸盡一甌
舌耕住寺三十餘年丙午解館丁未春復有生
徒三五人邀入寺中遂復家焉

未了谿山願寒氈復在斯去來風月共臥起烏魚知
近佛惟枯坐非僧却住持沙彌三五輩石上坐忘時

青谿寺古柏

周汝珩

大可三人抱陰遮一畝圓與僧相庇蔭仗佛得生全
幹直宜爲棟心空定悟禪每當風雨夜龍嘯近諸天

秋夜宿青谿方丈寄鐵舫和尚

朱承緒 廩生

遠安縣志

詩五律

十五 卷七

爲愛禪房靜攜樽過二橋灘流寒月碎潮挾晚風驕
兀坐山俱暝清談酒易消西林今夜宿一榻伴參寥

青谿夏日卽事

介休 喬桓之 庠生

古寺人蹤少深山暑氣微讀書消永晝烹茗送斜暉
竹籜沿谿解松花撲面飛忽聞歌款乃童子釣魚歸

遊青谿寺卽景

李時彥

萬古芙蓉障環谿積翠重短橋流水抱古寺亂雲封
梅老曾栖鶴松高欲化龍上方清淨地明月冷疎鐘

又

石瘦穿林曲窗虛補竹陰落花驚幻夢流水悟禪心

弔古從橫杳看山歲月深辦香私茂叔風月滌塵襟

青谿卽景

介休喬鈞官清軍府

萬壑空中落深春畫裏看峯頭朝雨潤驢背夕陽殘
泉雜鐘聲冷溪搖樹影寒前村邀我飲一醉海天寬

遊青谿寺

瑜承綱痒生

行到溪深處靈祠俯碧泉疎林霏冷翠古壑貯寒烟
水曲三橋鎖崖斜一徑懸作歌聲莫放潭底有龍眠

青谿雜詠

臥雲古洞

當邑熊經璧貢生

臥老禪心定雲停古洞閒梵聲沉絕壑水色冷空山

遠安縣志

詩七律

十六卷七

掛壁蘿衣亂侵門石髮斑此中真可隱塵累幾時刪

龍女遺蹤

雲嵐千尺雪一夜就平灘護法傳龍女遺蹤傍戒壇
水涵神力活巖啣溜痕殘客到都翹首靈風撲面寒

谿橋夜月

月照谿光白橋浮石氣青珠翻隨浪碎雪濺隔松聽
湛湛清思滿勞勞俗夢醒驚看出雲鶴一翅掠瑤京

煙寺晚鐘

萬壑迷蒼靄叢林鎖暮煙晚鐘雲外落殘照嶺頭懸
觸石遲空響浮谿雜沸泉艱難窮起止妙諦總難傳

雙泉澄碧

萬里峨岷水潛行到嶺西雙泉穿碧嶂一色湛青谿
石上清堪挹松間翠欲齊鬚眉聊自鑑塵海愧長迷
奔濤濺雪

奔濤爭石罅繞砌濺飛泉小作三巴勢寒生六月天
銀花波際噴玉屑月中旋莫道炎威酷繁襟已灑然
鬼谷幽棲

六國成灰燼蒼茫古洞存幽棲餘道氣蝕壁上苔痕
石乳凝成笋山雲冷護門紛紛遊說客那解布衣尊
雲夢晴嵐

遠安縣志

詩五律

十七

卷七

仙人曾弈處遺迹護晴嵐石古浮深碧峯高積蔚藍
我來憎雨集何日撥雲探懷古哦佳咏重遊意更酣
青谿雜詠 周維翰

半角懸丹嶂週圍障碧霄招提分七座楊柳擁三橋
雲氣朝垂幙灘聲夜湧潮棲幽無定所隨意坐僧寮
又

一徑沿巖上藤蘿半倒懸石稜皴古畫樹老立枯禪
壁裂山開牖龕涼蘚作牋瀑飛痕尚在靈異說當年
又

漫誇幽絕處佳趣久方知鐘磬風微好樓臺月淡宜

壑空噓籟爽山奧吐雲遲最勝惟清曉曦光映露時

又

記余剛四歲老僕抱中來見水心狂喜看山眼乍開
半生常住寺佳日必登臺淺草谿邊路行行日幾回

又

焚香偕妙友吹笛約山僧柳岸常孤往梅崖偶一登
聞鍾休住相坐月卽然燈悟到希夷處解人索未能

又

橋側容枯坐羣鷺儘寂然琴聲枝上鳥禪意水中天
勝地能消福幽棲肯讓仙也知根太淺萍劍斬塵緣

遠安縣志

詩五律

五

卷七

青谿雜詠

周汝珩

橋鎖三泉合峯迴一面開看山穿竹樹浴水得亭臺
月下常孤往花時待客來安排邱壑老無用笑粗才

題瀘溪寺

談必願

北嶺環南嶺前溪接後溪其間惟古刹以外盡荒畦
撲地塵埃淨參天桂柏齊盤龍寺在盤龍山下高臥處仰止

得雲梯

春日遊觀音洞

易先登廩生

不記來時路行行到碧岑飛泉常聒耳古木半成陰
竹靜留遊客山空助隱心登臨堪覽勝回首白雲深

沮江晚眺

覃蔚南增生

薄暮江干望晴雲四面收
氣清天在水心靜夏如秋
林鳥歸巢樂漁人帶醉謳
呼童將秉燭一片月當頭
夏夜雨後

吳光斗通判

欲寫新晴景丹青與願違
水高山漸小雲過月如飛
漁火明溪岸螢光上客衣
鳳鳴天下曉氣象詎熹微
觀音洞避暑

曾玉藻廩生

消夏觀音洞遊心太古初
客稀人轉倦僧俗寺無書
遠市沽村酒清泉煮活魚
詩成誰與賞明月上階除

